



www.BibleForChildren.org



Jon 14



Sa Jesus ka fata 'uri fuana fafurongo nia ki, "Nao mulu si manata 'abero ma na manatalamulu si 'asia. Mulu famamana God, ma mulu ka famamana nau laugo. Sulia kula 'oro ni tolai ki nia laona lume Maa nau. Aia, ma nau ku leka fua ne nau sasi akau ana kula fua mulu."




'Afitai nau ku saea na ru ne fua mulu, dia nao nia si mamana. Ma kada ne nau ku leka, ma ku sasi akau ana kula fua mulu, nau kai oli mai ma nau ku talai kamulu fuaku talaku, fuana kula ne nau kai to ana, mulu kai to laugo ana.



Nau sa Jon na wanefuta kamulu sulia nau ku
famamana sa Jesus Christ dia laugo kamulu.
Ma kera famalagaigai nau dia kamulu

sulia sa Jesus Christ
ne na kingi kia ma nia




gwaungai fafi kia.



Ma kulu ka lalifu laona famalagaigaie, sulia kulu
wane nia ki. Kera ka dau nau, ma kera ka alu
nau laona bubunga ne kera saea ana


'i Patmos, sulia nau ku
'ainitalo ana na




fatalana God ma
na ru ne sa Jesus
fatainia ki.



Ma ana kada nai go, na Anoeru God ka talai nau,
ma nau ku ada to'ona te kula ni gourue ana
'initoe, ma te wane ka gouru 'i fafona.




Ma nau ku rongoa ru mauri ki tafau 'i langi, ma laona
molagali, ma laona kula wane mae ki, ma 'i laona asi,
kera tafau kera ngu kera ka 'uri,
"Na tangolae, ma na fabaitalae,
ma na 'initoe, ma na nikilalae
toto firi fauna
wane ne gouru
ana kula ni
gourue ana
'initoe ma
fuana na
kale Sipsip."




Ma nau ku ada to'ona na fere baita abu ne na
Jerusalem falu ka koso mai fasia God 'i langi. Ma kera
sasi akau ana, dia ta keni fungao ne kera laungia fua
nia ka dao to'ona na arai falu nia. Ma nau ku rongoa te
lingeru baita fata mai fasia na kula ni gourue ana

'initoe ka
'uri, "Na fere
God nia to na
siana wane ki.


Ma nia kai to faida
ma kera na wane nia
ki na. Ma God talana
kai to faida, ma nia
na ne God kera."




Na 'ainisel ne ka fatainia laugo fuaku na kafo
ana maurie ne saolia ka dia ta galasi, nia busu
mai fasia kula ni gourue ana 'Initoe God ma na
kale Sipsip, ma ka igwa mai tofungana na taale
ne liu laona fere baita nai.



Na fere baita nai nao si doria lau na sato naoma
na madame fua ka tala laona, sulia na 'initoe
God na ne tala, ma na kale Sipsip nai ne kwesu nia.



Aia, ma nao ta ru ne bilia, naoma
ta wane ne sasia ta ru ni 'ekelae
ana, naoma ta wane ne ka
suke kai ru laona fere
baita ne. Boro ma
taifilia go wane ne
kera kedea satada
laona buko ana
maurie na kale
Sipsip ne kera
kai ru laona
fere baita nai.




"Ma nia kai usua kafo ana angie fasia
maada. Na mae, ma na kwaimanataie,
ma na angie, ma na nonifie kai nao na,
sulia ru 'ua ki ka sui."



Aia, ma ru ne God nia agida ki, nao kera si to laona fere baita nai. Na kula ni gourue God ma na kale Sipsip ne to laona fere baita nai, ma wane rao nia ki kera kai fesia. Ma kera kai ada to'ona maana God, ma na satana kera kede maadarada.




Sui nau ku ada to'ona laugo wane mae ki tafau, ne kera 'initoa ma kera ka kelewanea, kera uu 'i naona kula ni gourue ana 'initoe nai. Ma God ka 'ifingia buko ki. Ma ka 'ifingia ta buko lau, na buko ana maurie. Ma God ka ketoa wane mae ki sulia ru ne kera sasida ki, ne to laona buko nai ki. Ma ta wane ne satana nao si to laona buko ana maurie, God ka 'ui 'ani nia laona 'osi ana ere laugo.



Ma na Anoeru Abu fainia na keni fungao, keroa ka
fata 'uri fua sa Jesus, "'Oe kai leka mai!" Iu, ma
sa ti ne kera rongoa fatalana God laona buko
ne, kera kai fata laugo 'uri, "'Oe kai leka mai!"



Ma sa ti boroi 'ana ne maeliku ma ka doria
ngalilana kafo ana maurie, 'oe kai leka mai, 'oko
ku 'o'oni ana na kafo ana maurie.



God fatainia na kwaimanie baita nia
fuana wane ki tafau laona molagali
ne 'uri, nia ka kwatea mai te Wele
mutai nia, fua ne sa ti ne kera
famamana nia, kera nao si
funu, boroi ma kera
kai mauri firi.



Rom 3:23

Wane ki tafau go kera abulo ta'a, ma nao ta wane si to
ana falafala ne kai fa'initoa God.

Rom 6:23

Sulia na abulo ta'alae nia kwatea mae, boroi ma na
kwatee ne God kwate sakongai ana nia na ne maurie firi
sulia sa Jesus Christ na 'Aofia kulu.

Hibru 9:27

Aia, ma na wane laona molagali ne ki, kera mae ana te fa
kada go, suifatai God kai ketoda.



Efesus 2:8,9

God famaui kia ana kwaiofeie nia sulia na famamanae
kia. Nia nao si famaui kia go sulia raoe kia ki tala'aka.
Boroi ma God kwate 'o'oni ga 'ana na maurie falu fuaka.
Nia ne, 'afitai ta wane ka fata naunau sulia na maurie
falu nia, sulia God nao si kwatea sulia
raoe ne kulu sasida ki.

Rom 10:9,10

Dia kamulu saea sa Jesus ana 'Aofia, ma mulu kai
famamana ne God taea fasia mae, God kai famaui
kamulu. Na wane ne nia famamana sa Jesus laona
maurilana, nia 'o'olo 'i maana God. Ma wane ne nia fata
tafa ana sa Jesus nia 'Aofia, God kai famaui.



Jon 3:16,17

God fatainia na kwaimanie baita nia fuana wane ki tafau laona molagali ne 'uri, nia ka kwatea mai te Wele mutai nia, fua ne sa ti ne kera famamana nia, kera nao si funu, boroi ma kera kai mauri firi. God nao si kwatea mai na Wele nia laona molagali fuana ketolana na wane ki, boroi ma nia kwatea lalau mai fuana famaurilada.

1 Jon 5:11-13

Ma fatae ne God ka famamana sulia na Wele nia ne 'uri: God kwatea na maurie firi fuaka, ma na maurie ne ka safali mai fasia na Wele nia. Ma sa ti boroi 'ana ne 'ado fainia na Wele God, nia too ana maurie firi. Ma sa ti ne nao si 'ado fainia na Wele God, nia nao si too laugo ana maurie firi. Nau ku kedea na ru ne ki fua mulu wane ne famamana Wele God, fua ne mulu kai saitamana ne mulu too na ana maurie firi.



Jon 14; 2 Korin 5; Revelson 4, 21, 22

Storyline by: Edward D. Hughes

Illustrated by: Lazarus
and Alastair Paterson

Adapted by: Sarah S.

Fataleka Bible (far) © 2017, Wycliffe Bible Translators,
Inc. All rights reserved.

<https://live.bible.is/bible/FARWBT/MAT/1>

©2026 Bible for Children, Inc.

www.M1914.org

www.bibleforchildren.org

